

آبونه شرائطی : هریر ایچول
سنه لکی (۲۷۵) آلتی آیلنی
(۱۵۰) خارج ایچون سنه لکی
۳۲۵ غروشددر .

نسخه سی ۵ غروشددر .
ایکی نسخه برآراده
(۱۰) غروشددر
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع المعنویه
قبول اولنور . درج ایدله یین
یازیلر اعاده اولماز .

الکتابخانه

۱۳۳۰

اداره من تبدیلنه آریجه
۵ غروش کوندر لمیدر .

مکتوبلرک امضاری واضح
واوقوتاقلی اولسی و آبونه
صره نومروسی محتوی
بولونسی لازمدر

ممالك اجنیه ایچون آبونه
اولانلرک آدرس لرینک
فرانسزجه یازلسی رجا اولنور .

پاره کوندردلیکی زمان نهیه
دائر اولدینی بیلدیرلسی
رجا اولنور

اتبعون اهدکم سیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

بو بایده بر امتناع فنی ادعائیه قانعشمنق فنك حدودینی تجاوز ایتمك
دیمكدر . فن دائرة تصرفه آله بیلدیکی خصوصیاتك هپسندنه بر کره
ایجاد ایدیه بیلدیکی دایما ایتمش وفضله اوله رق تکامل ده ایتدیرمش
دکلیدر ؟ بو کون علم خیانتك بتون قانونلری کشف ایدیه بیلده ایدی .
فن بر طاقم ذی حیات ما کینلر یاپه بیلیر وپایدقلمی انضمام تجربه ایلله
ترقی ده ایتدیره بیلیر ایدی . بونك بو کون یاپیله مامسی امکانلرلقدن
دکل ، جهالتدن نشأت ایدیور . نته کیم بوندن بر قاج عصر اول
بو کونکی معمولات فیه دن بحث ایدلمش اولسه ایدی کیمسه اینانمازدی .
آمریقا ایلله استانبول آرا انده بر قاج دقیقه ایچنده مخبره یاپیله بیلجه کنی
کیم تصدیق ایدردی ؟ حال بوکه ونلر بو کون ادیسون کی ذکالرك
ثمره موفقیتی اوله رق وقوعه کلدی وعلی العاده شیر قیلندن
اولدی . جزئی بر ملاحظه یزه کویستررکه بو ذوات الکتریقلری
یارا تمایلر ، کشف واستحصا ایتدیلر . او حالده هم الکتریقلرك
وهم ادیسونلرك قوای طبعیه وروحیه لرینی خلق ایدن جناب اللهك
خزینة قدرتمندکی وسعت امکان دوشونولورسه برنشأت ثانیه تصوری
یک زیاده کسب سهولت ایلر . شوو ایضا حاددن آ کلاسیلورکه نظر
اسلامده فکر آخرتک ضمای بقای روح نظریه سی دکل ، موجودیت
وصفات الهیه نظریه سیدر . بناء علیه مبنای دین معرفه اللهدر .

استانبول مدرسه لری :

اعاشه

۱

کچن نسخه ده استانبول مدرسه لرینک اداری خصوصاتی تدقیق ایلله
مطالعه لر می یازمشدم . طلبه نك طرز اطعام و اعاشه سیله بو بایده کی
تشکیلات سابقه و حاضریه کچورم .

بو خصوصده اساسی بر فکر ، حقیقی بر حکم ویره بیلیمك ایچون
بر آز ماضیه ارجاع نظر ایجاب ایدر .

مرکز علما و مقر خلافت عظماده ؛ ماضی ، حال ، استقبال ایچون
جدا مدار افتخار اوله حق جوامع ، مدارس و مبرات سائر وجوده
کترین سلاطین سالفه ایلله اعظم مملکت [انارالله مراقدهم] اسلامیتك
تعالیسی ، علوم شرعیه نك نشر و تعمیمی ، حیات دینی و علمیه نك آن بان
مظهر انکشاف اولمسنك تأمین مقصدیله وجوده کتیردکری مدرسه لرك
هان هر بریتك قرب و جوارنده بر رده عمارت وجوده کتیرمك ، مدرسه لرده
اخذ فیض ایدن تشنکان علم و فضیلتی اندیشه معیشتدن وارسته قیلمق
ایچون یک بیوک فدا کارلق ابراز ایلله مشهوردر .

مدارس طلبه نك بو عمارتلرده اسکی زمانلرده کی طرز اعاشه لرینه

ایچون جوهر ، بر روح مجرد نظریه سی اثبات ایتمك لازم کلورکه
فلسفه اسلامییه بو بایده هنوز قطعیته قائل دکدر . چونکه متکلمین
اسلام روح مجرد نظریه نك علمینده در . شوو حالده بقای فردی
عقیده سی اسلام فصل تصور و تأمین ایدیه بیلور ؟

دین اسلام بقای فردی بی آخرت یعنی نشأت ثانیه ، تعمیر آخرله
« بیت بعد الموت » نظریه سیله تأمین ایتمکده در . بقای فردی بو حیاته
فعلاً واقع دکدر . فقط عالم آخرتده بر نشأت ثانیه ایلله نمکندرو واقع
اوله جقدر . اشبو حیات آخرت شمدیکی حیات دنیادن ناقص دکل ،
دها کامل در . بناء علیه حیات آخرت مجرد بر حیات روحانیه دن عبارت
اولماق لازم کلیر . زیرا انسانلغك کنهی حیات مادیه و روحانیه بی
جمعدر . ساده بر حیات روحانیه ایسه حیات انسانیه به نسبتله بسیط
و قاصر در . بنابرین دها متکامل اوله رق تصور ایدیلن حیات باقیه
انسانیه نك صرف روحانی بر حیات تلقی ایدلسی تناقض دیمکدر .
حیات دنیویه قایدیر ، رسیده زوال اولور . حیات آخرت ایسه بو حیات
دنیویه نك قسماً دوامی دیمك اولیوب مدت و قیامتدن صکره آروجه
باشلایه حق اولان بر حیات کامله انسانیه درکه فرد ایشته بو حیاته
الی الابد باقی اوله جقدر . بو ایکی حیات آراسنده گذران ایدیه جک
اولان عالم فلسفه اسلامییه لساننده « عالم برزخ » تسمیه ایدیلیر .

شمدی بویله بر آخرت تصوری ناصیل ممکن اوله بیلیر ؟ سوالی وارد
خاطر اولور . اولاً شونی اخطار ایدمکه بونك نام معناسیله بر امتناع
فلسفیی یوقدر . یعنی انسانلر ایچون حقیقی بر حیات ثانیه ، برنشأت
ثانیه فرض ایتمك تناقضه منجر اولماز . چونکه هر حادثه ده ابتداء تکرر
و تکاملدن دها زوردر . اویله اولنجه بر کره واقع اولان خلقت
بشریه نك ایکنجیبی ودها متکاملی نهیه اوله ماسون ؟ قواعد اسلامییه
نظراً « بقاء ابتدادن اسلهدر — محله » . مکه مشرکلی بو بایده کی
تبلیغات محمدیه بی ایشنتدکری زمان ، مزارلردن بر طاقم چورومش
کیمکدر طوبیلا دیلر و حضور رساله کلوب : « بونلری کیم دیرلنه جک ؟ »
دیه برای تعجیز ایراد سوال ایدیلیر ، بو کا قارش سورده (یس) ده کی
(قُلْ يُحْيِي الَّذِي اَنْشَاَهَا اَوَّلَ مَرَّةٍ وَهُوَ بِكُلِّ خَلْقٍ عَلِيمٌ .

الَّذِي جَعَلَ لَكُمُ الشَّجَرَةَ الْاَخْضَرَةَ اِذَا اَنْثَمُ مِنْهُ تُوفِدُونَ)

آیات کریمه سی نازل اولدی که . یا محمد ! سندی که : بونلری ابتدا
کیم ایجاد ایتدی ایسه او دیریتیر ، اونلری ابتدا یارادان یاراته نك .
هر درلوسی بیلیر . او اویله بر آلهدر که یم یشیل آغا جلردن سزک
ایچون آتش چیقارتدی ده سز او آتشدن او جاقلمکزی یاقیور ،
ایشلریکزی کور و یورسکز . دیمکدر .

فی الحقیقه بونده بر امکانلرلق یوقدر . بعض شرائط مادیه ملاحظه سیله

دار مفصل معلومات الله ابدیه به جک و نائق و قیودادن مع الاسف محرومن . بر درجه قدر رسمی دفا . و قفیه دن ، محکمه تفتیش اوقاف هایونک بوایشه دار منظور مناولان رایکی کوجوک وثیقه سندن ، عمارت لک یاریم عصر اولکی زمانی ادراک ایدنلردن استفاده صورتیه عمارت لک هیئت عمومی و صوک زمانلرده کی وضعیتلری ایله حال حاضری تدقیق و محاکمه اتمک جالبه جفر .

دور سابقه استانبولده یکریمی عمارت وارایدی . بونلرک موقعلریله بوگون نه حالده بولندقلری آئیده کی جدول ارائه ایدر :

- ۱ - سلطان فاتح عمارتی : معمور و طلبیه مخصوص
- ۲ - سلطان سلیم : یقیلمش ، برینه بنا یایلمشدر .
- ۳ - سلطان سلیمان : اوقاف موزه سی .
- ۴ - سلطان احمد : خراب .
- ۵ - سلطان مصطفی [لاله لی] : معموردر ، فقرایه مخصوصدر .
- ۶ - سلطان حمید اول : وقف خان .
- ۷ - سلطان بایزید : خراب .
- ۸ - سلطان عثمان : معمور .
- ۹ - ایاصوفیه : اوقاف انشآت انباری .
- ۱۰ - مهرشاه [ایوبده] : کیراده .
- ۱۱ - فاتح [ایوبده] : کیراده .
- ۱۲ - شهزاده : معمور ، طلبیه مخصوصدر .
- ۱۳ - بشیراغا : خراب .
- ۱۴ - عتیق علی پاشا : منهدم .
- ۱۵ - شهزاده تاجخانه سی : اوقاف مطبوعه سی .
- ۱۶ - خصکی : خراب و مشغول .
- ۱۷ - مهرماه [اسکدار] : خراب .
- ۱۸ - عتیق والده : معطل .
- ۱۹ - احمدیه : فقرایه مخصوص .
- ۲۰ - قوجه مصطفی پاشا : خراب .

بو یکریمی عمارت ؛ اعلان مشروطیت ، حتی ۱۹ ربیع الاول سنه ۳۲۹ و ۶ نسیان سنه ۳۲۷ تاریخی قانونک نشرینه قدر معمور و منتظم ، طلبه علومده کشاده ایدی . [۱]

عمارتلردن اساس اعتباریه درت صنف خلق استفاده ایدردی :

- ۱ - طلبه علوم ،
- ۲ - جوامع شریفه و خیرات سازه خدمه سی ،
- ۳ - مملکت فقرای ،
- ۴ - مسافرن [آینده ورونده] .

[۱] بوقانون خیری افندی مرحومک زمان نظارتده موقع مرعیه وضع اولمشدر . خیری افندی ، بوقانون ایله اسکی خیراتی ییقمش ، یکسیله اسکی منفعتی تأمین ایدمه مشدر . بوبابده کی مطالباتمنی ، بوموضوعک صوکنده یازمه جفر .

بوقانون ایله ؛ اشویکریمی عمارتلردن اون سکزی لغواولنه رق یالنگز فقرایه مخصوص اولوق اوزره بری لاله لیده ، دیکری اسکدارده ایکی دانه سی ابقا ، طلبه معینات و مخصوصاتی نقده تحویل وبالآخره ۱۰ ذی القعدة سنه ۳۳۲ و ۱۸ ایلول سنه ۳۳۰ تاریخی نظامنامه ایله [ماده - ۱۲ -] ینه طلبیه مخصوص اوله رق فاتح ، شهزاده ، نورعثمانی ، ووالده عتیق عمارتلری اعاده واحیا ایدلمش ، دعا کو فودله [فدوله] لری - بدلاتی تأدیة اولنوق صورتیه - قیدلری ترقین ، خدمه خیرات فودله و معیناتی - بدلی اصحابک وظیفه و معاشلرینضم صورتیه - کذلک قیدلری ترقین قیلمش ، آئنده ورونده فقراعدادینه ادخال اولمشدر . عمارت لک هپسندنه طلبه علوم اعاشه ایدیلردی . طلبه توزیعاتی ختام بولدقندن صکره فقرایه و مسافرینه توزیعات باشلاردی . فقرانک اک زیاده طویلاندقلری عمارت لک لاله لی ؛ شهزاده ایله اسکدارده ولده عتیق و مهرماه ، ایوبده مهرشاه عمارتلری ایدی .

طلبه اقتدیله ؛ فودله ، چوربا ، بلاو ، عاشورا ، زرده ، بمضاده زیروه [۱] توزیع اولتوردی ، بر فودله طقسان درهم عتیق مقدارنده ا کککدر . برطاقم عمارتلرده قرق بش دره ملک فودله لرده یاییلردی . عسکرلرک تام و نصف تعیین ا ککککری کبی .

هر هانکی بر مدرسه یه مجدداً داخل اولان بر طلبیه [چومنا] ملازم استحقاقی اولان برنام فودله و بریلیر ، بالاخره صاحب حجره اولنجه بر مثلی ضم آلیر . هر هانکی بر وقفدن آریجه مشروطه سی وار ایسه اوچ ، درت فودله یه قدر صاحب و مستحق اولور . صباحرلی عمارت لک ؛ صباح نمازی وقتی آچیلیر . صباح درس لرندن اول فودله لر اعطا و طلبیه بغدادی وارپه اولندن ویا قیرمه سندن معمول چوربا توزیع اولور . بوچوربا عمارت داخلنده کی «ماکل» ده هر طلبیه بیوک و معین بر کچه اولوق اوزره و بریلیر و اوراده طاسلرله اچیلیر [۲] . درسدن جیقدقندن صکره یاغلی برنج چوربا سی آلیر بوکا بعضاً نخودده قونیر . بوچوربا یی ارزو ایدنلر عمارتده ایجه بیلدیکی کبی رجوق مدرسه لک چوربا سی طلبه دن منتخب و «کر» نامیه یاد اولنان بر آدم و رفیق لری واسطه ییله - برصریق اوچنه ایکی ایله مربوط تنکه ویا کوکوملرله - مدرسه یه کتیریلیر ، فودله لرله برلکده اوراده طلبیه توزیع ایدیلیر . پنچشنبه کونلری هر عمارتده زرده ، بلاو و حمیدیه ایله لاله لی عمارتلرنده بازار ابرتسی ، پنچشنبه کونلری زرده و اتلی بلاو یاییلیر و مبذولاً و بریلیر ، بر ایکی عمارتده ، بالخاصه بشیراغا آریجه زیروه بشیریلیر .

[۱] «زرده» ، برنج ، شکر و زعفراندن ، «زیروه» انجیر ، اوزوم ، خورما ایله برنج و شکر دن یاییلیر .

[۲] صباحرلی عمارتلرده و بریلان بغدادی چوربا سنه غایت آز مقدارده طوزقونور ، طلبه مدرسه سنده بوچوربا ایچنه برآز شکر و قورواشده کوسترسره عاشورا اولور

اجتماعیانه غربی و برزخ و برزخ

• وجه ممیز ، مزی ، فصلی غائب ایدیورز ؟

ملتزده مدار تفریق و تضییف اوله جق درجه ده متبارز بر شخصیت مخصوصه موجوددر ، حیات عمومی و خصوصیه تأثیراتی کوبترین بو خصوصیت ممتازه نیک دینی ، اخلاقی ، اجتماعی ، و حتی اقتصادی و فنی جهتلرده بیله طرز انکشافی اعتباریه حاز اولدینی قیمتار حیات جمعیتجه شایان دقت نتایج عرض ایدر ، عصرلرک قید ایتدیکی مندرس و موجودبتون ملتزلرک کنیدیله منحصربه وجه ممیزه ی موجوددر ، فارس مدینتیک عسکری انکشافاتی ، عرب سلطنتیک طرز بدیی ، رومالیرک تلقیات حقوقیه لری ، انگلیزلرک غیر مکتوب قوانین عرفیه لری . . الخ منسوب اولدقلری ملتله عائد تظاهرات مخصوصه یی جامعدرلر .

بر ملتک حیات استقلال - فوق العاده تأثیرات خارج اوله رق - عادات و تعاملات محیطیه سه کوستردیکی مربوطیت درجه سیله اعظمی درجه ده مناسبتدار اولدیفندن قوت و تساند ملی محافظه عنفانه اولان میل ایله اولچوله ییلر .

آرالرنده کی بو آهنگ شعوری یی ، علاقه مخصوصه یی غیب ایدن ملتزلرک پک آز زمانده باشقه شخصیتلره اشحصاله و تمیل ایدرک محو و منقرض اولدقلری تاریخ انسانیتک مکرراً قیدایتدیکی مناقبدن معدوددر . بو حقایقندن استدلال صورتیه هیئت اجتماعی مزی گوشه تن عوامل مرضیه یی کشفه ، اسباب تدنی تدقیقه موفق اوله ییلر . بر وقتلر حرث ملینک یوز ملیونی متجاوز بر کتله بشریه یی زیر نفوذنده بولندیردینی و بونلرک حساً و عرفاناً تکملنه سائق اولدینی نظر دفته آلیرسه بو کونکی انحطاطک مؤثراتی میاننده ملتک شخصیت مخصوصه یی محافظه ایدمیه رک بنیان اجتماعیزک گوشه سی برنجی صره یی تشکیل ایتدیکننده شبه قیاز . ملتیزی اوج بالای شوکته ایصال ایدن ، تاریخک اک یوکسک صحیفه لرینه قید ایتدیردن • وجه ممیز ، من الیوم بزی مخوف بوشلقلر ایچنده یالکیز راقه رق اوزاقلاشمقده در . ملتیزک کندینه مخصوص پک قیمتدار خصلتلری واردی .

ملتیز هر شیدن اول دیندار ایدی . بر کون حضور وحدانیتده حساب و بر مکّه مجبور اولدینی دوشونلرک حیات عمومی و خصوصیه سنده استقامتدن ، تساندن ، تعاندن آریلازدی . صفوت قلبه مالکندی . حیل و خدعه ندر ییلدزدی . عدالته ایش کورمه که ، قوتلی اولمه آلیشمشدی . ناموس و عفته حیانه کی قیمتی مدرکدی . صنوف اجتماعی مزده بر آهنگ ، بروفاق وار ایدی . سینا و موقعا بیوکاره حرمت و کوچکاره شفقت شعار من اقتضاسندندی .

فودله لر؛ عمارتلر داخاند کی خصوصی فورونلرده طبخ ایدیلر . مأموریت و خدمتلر اکثریت اعتباریه جهت حالده توجیه اولنور . بونلر آریجه بر امتحانه تابع طوتیلر . هراوکنه کلن خیار و طباخ اوله مازدی . آشچیلر و آشکچیلرک علل و امراضدن سالم ، تام الصحه اولمیرینه ، وبالعموم مستخدمینک اقامتگاهلرینک عمارتخانلر یاقین اولسنه دقت ایدیلردی .

اکسکچیلری امتحان ایچون محکمه نفیش اوقاف هاوندده سرخیارلردن مرکب بر • خبازان هیئت و وار ایدی . بو هیئت عمارتلره طالب اولنلری ؛ مایه طومق اصولدن ، یوغورمقدن ، طوزک مقدارندن ، حق نازدن ، فورون یاقق و حرارت ویرمکدن امتحان ایدرلردی . امتحانی ویرنلر قید حیات شرطیه استخدام اولنورلردی .

عمارتلرده کی اصحاب وظائفک نوع و مقدارلری وقف نامه لرک چوغنده تثبیت اولمشدر . از جمله حضرت فاتحک عمارت قادروسی شودر :

- ۱- ناظر عمارت [طعامخانه مدیری] ، ۲- کاتب ، ۳- امین خزینه ، ۴- امین مصرف ، ۵- کیلاری [انبار مأموری] ، ۶- مستقبل مسافر [بیورک افندم ، جی] ، ۷- نقیب (۴) [موزع] ، ۸- نقاد کندم (۲) [قالبورجی] ، ۹- نقادارز (۲) [پرنچت طاشلری آیقلایان] ، ۱۰- سراجی (۲) [قندیلجی] ، ۱۱- فراش ، ۱۲- خادم مأکل سوختکان ، ۱۳- خادم مأکل مسافرن و فقرا ، ۱۴- بواب (۲) ، ۱۵- چاروبی [سپورکچی] ، ۱۶- کاسه شو ، [بولاشیق تمیزلین] ، ۱۷- حافظ طاس (۲) ، ۱۸- ساییس [مسافرلرک و عمارتک حیوانلری باقان] ، ۱۹- حمال خطب ، ۲۰- حمال ، ۲۱- حمال ذخائر ، ۲۲- سر طباخ ، [آشچی ناشی] ، ۲۳- طباخ (۴) ، ۲۴- سر خباز ، [اکسکچی ناشی] ، ۲۵- خباز ، (۵) ، ۲۶- ماحی النقوش ، [۱] ، ۲۷- وزان عمارت [قنطارجی] بو قادروده بعض تعدیلات یا پیامق صورتیه خیری افندینک زمان نظارتنه قدر بو طرز اداره دوام ایتدی . دیگر عمارتلرک قادرولری ده وضعیتلرینه کوره بوکا آرزوق یاقین ایدی . یوقاریده سوبلدیکم کی خیری افندی بونلرک هپسی لغو ایتمش ، فقرایه یالکیز ایکی دانه براقش ، بالاخره طلبه ایچون درت دانه آچشدر . کله جک مقاله ده عمارتلرک خیری افندینک زمانندن بوکونه قدر اولان وضعیتنی تدقیق ایده جکیز .

مفتی زاده

[۱] ماحی النقوش : عمارتک داخلی و خارجی دیوارلنده تباشیر ، کومور بویاکی شیلرله چواق ، چوجوق طرفندن یازیلان ، چیزیلن شیلری سیلمک و محو ایتک ایچون استخدام اولنان آدمک عنوانیدر . بو ، فاتحک ، سلطان سلیمانک جاملری خدمه سی میاننده وارددر . اووقت دوشونیلن بو وظیفه بوکون ایچون نه قدر مهم . جامع ، مدرسه دیوارلنده ، سیل ، چشمه اوکلرنده مغایر اخلاق یازیلری کورمکدن بوکون نه قدر متنفز .